

Provider Hub Daim Ntawv Xov Xwm | Lub Kaum Hli 2025

Cov lus no tau xa mus rau txhua tus neeg uas tau cuv npe kom txais Provider Hub Daim Ntawv Xov Xwm. Yog hais tias muaj ib tug neeg xa tsab email no rau koj, peb xav kom koj los [cuv npe ncaj qha](#).

Zoo siab txais tos koj rau ntawm Provider Hub Daim Ntawv Xov Xwm, luam tawm los ntawm Lub Xeev Minnesota pab pawg [Provider Hub](#)! Peb zoo siab tias koj tuaj txog ntawm no.

Hauv tsab ntawv xov xwm no, koj yuav pom txog:

- [Cov Chaw Zov Me Nyuam Muaj Daim Ntawv Tso Cai: Kev Nco Them Tus Nqi Tauj Rau Daim Ntawv Tso Cai Xyoo 2026](#)
- [Cov Neeg Siv Provider Hub Tam Sim No: Qhia Rau Peb Paub Txog Koj Qhov Kev Siv Qhov Cuab Yeej Online No](#)
- [Cov Neeg Nrhiav Kev Zov Me Nyuam: Caw Tuaj Koom Kev Tshawb Fawb Tsim Qauv \(Design Research\) — them nyiaj rau kev koom tes](#)
- [Cov Chaw Zov Me Nyuam Hauv Tsev Ua Tau Daim Ntawv Tso Cai Hauv Minnesota: Kev Cuv Npe Rau CCAP Tam Sim No Muaj Nyob Hauv Provider Hub](#)
- [Tus Xov Tooj Pab Txog Provider Hub: Tau Hloov Tshiab Lawm](#)
- [Cov Lus Qhia Los Ntawm Provider Hub: Ua Kom Koj Tus Account Ruaj Ntseg](#)
- [Cov Lus Qhia Los Ntawm Pab Pawg Product Success Team](#)
- [Kev Cuv Npe Rau Lub Kaum Ib Hlis Kev Sib Tham Txog Provider Hub](#)
- [Cov Rooj Sib Tham Hauv Zej Zog Uas Yuav Los Txog](#)
- [Kev Tso Tawm Tshiab](#)
- [Cov Kev Pab thiab Cov Ntaub Ntawv Tshiab](#)

Cov Chaw Zov Me Nyuam Muaj Daim Ntawv Tso Cai: Kev Nco Them Tus Nqi Tauj Rau Daim Ntawv Tso Cai Xyoo 2026

Cov chaw zov me nyuam uas muaj daim ntawv tso cai thiab npaj siab txuas ntxiv ua hauj lwj hauv xyoo 2026, yuav tsum them tus nqi tauj rau daim ntawv tso cai hauv Provider Hub ua ntej hnuv tim 30 lub Kaum Hli.

Txij Hnuv Tuesday, hnuv tim 30 lub Cuaj Hli, daim nqi ntawv ntawm tus nqi tauj rau xyoo 2026 twb muaj nyob tawm hauv Provider Hub rau txhua qhov chaw zov me nyuam uas muaj ntawv tso cai thiab muaj qhov txheej txheem “active” los sis “pending reopening.” Kev them nqi yuav tsum ua rau txhua daim ntawv tso cai lag luam uas muaj daim ntawv nqi ntawm tus nqi tauj rau xyoo 2026. **Kev them nqi tauj rau daim ntawv tso cai yuav tsis them rov qab.**

Xav paub ntxiv

- Mus saib [Pay a Fine or Fee](#) kom kawm txog ib kauj ruam zuj zus ntawm kev them tus nqi.
- Tshawb xyuas [tsab email hnuv tim 3 lub Kaum Hli](#) — uas tau xa mus rau Tus Neeg Muaj Cai Tag Nrho ntawm cov tsev zov me nyuam uas muaj daim ntawv tso cai thiab muaj txheej txheem “active” los sis “pending reopening” — kom paub cov lus qhia ntxiv.

[Rov mus rau saum toj](#)

Cov Neeg Siv Provider Hub Tam Sim No: Qhia Rau Peb Paub Txog Koj Qhov Kev Siv Qhov Cuab Yeej Online No

Cov neeg siv Provider Hub tam sim no raug caw kom tuaj teb [Provider Hub Quarterly Usability Survey](#):

- Qhia seb qhov cuab yeej online no pab tau koj li cas
- Siv sij hawm 5 txog 10 nas thiv xwb, thiab tau muaj txhais ua 4 hom lus — lus Askiv, español (Mev), Soomaali (Somali), thiab Hmoob (Hmong)
- Cov lus teb yuav tsis qhia npe — koj lub npe thiab tus email yuav tsis txuas nrog koj cov lus teb

Yog koj xav qhia tswv yim ncaj qha rau pab pawg ntawm Provider Hub, koj xa email tuaj tau rau peb ntawm providerhub@state.mn.us.

Hais txog daim ntawv tshawb fawb

Peb xa daim ntawv tshawb fawb no mus rau cov neeg siv Provider Hub plaub zaug tauj ib xyos. Cov lus teb pab peb txhim kho Provider Hub kom siv tau zoo dua.

Cov lus teb yav tas los

Ua tsaug rau txhua tus uas tau tawm tswv yim rau daim ntawv tshawb fawb thaum lub caij nplooj ntoos hlav. Raws li cov lus teb, cov neeg siv tau qhia tias lawv txaus siab thiab zoo siab txog Provider Hub tiam sis lawv tsis tshua nkag siab txog txoj kev nkag thiab kev txav mus los.

Rau daim ntawv tshawb fawb yuav los tom ntej no, peb xav paub ntxiv tias yuav ua li cas txhim kho qhov cuab yeej no kom cov neeg siv thiaj li siv tau yooj yim hauv online.

[Rov mus rau saum toj](#)

Caw Cov Neeg Nrhiav Chaw Zov Me Nyuam Tuaj Koom Kev Tshawb Fawb Tsim Qauv

Raws li ib feem ntawm Systems Transformation initiative *, qhov [Licensing Information Lookup \(LIL\)](#) tab tom muab coj los tsim dua tshiab. [LIL yog ib qho cuab yeej online](#) uas tso tawm cov ntaub ntawv pej xeem txog cov programs uas tau txais daim ntawv tso cai los ntawm Lub Xeev Minnesota, suav nrog cov programs zov me nyuam.

Peb xav koom tes nrog cov neeg uas tej zaum yuav siv qhov cuab yeej no kom pab peb txhim kho nws kom zoo dua.

Cov lus qhia txog kev tshawb fawb

- **Leej twg tuaj koom tau:** Cov neeg tab tom nrhiav chaw zov me nyuam — tshwj xeeb yog cov uas tsis hais lus Askiv thiab/los sis nyob sab nrauv Twin Cities.
- **Qhov twg thiab thaum twg:** Tham ib zaug hauv online uas siv li 20-30 nas this; Yuav muaj ntau lub sij hawm uas yuav xaiv koom tau
- **Yuav sib tham mus zoo li cas:** Cov neeg koom yuav sib tham nrog 1 txog 2 tus neeg uas muaj lub luag hauj lwm los tsim qauv rau Lub Xeev Minnesota. Tej yam yuav ua muaj xws li siv ib qho

cuab yeej online los faib cov ntsiab lus rau cov pab pawg, sib piv li ob peb hom qauv uas tau tsim, thiab teb cov lus nug. Tej zaum kuj yuav hais kom cov neeg tuaj koom hauv online muab lawv lub vij tsam lawv saib thiab.

- **Kev pub dej siab:** Cov neeg koom yuav tau txais ib daim gift card.
- **Puas xav koom tes?** Email mus rau ntawm providerhub@state.mn.us. Peb yuav xa cov lus qhia ntxiv uas ntxaws thiab, yog tias haum, npaj sij hawm rau koj los koom peb. Peb tseem yuav nug txog koj cov kev xav tau kom peb pab tau raws li qhov tsim nyog (piv txwv li, npaj tus neeg txhais lus).

Kev caw cov chaw zov me nyuam

Thov qhia txog lub hom phiaj no rau cov tsev neeg hauv koj qhov program thiab lwm tus ntawm cov neeg koj paub uas tej zaum tab tom nrhiav chaw zov me nyuam.

Yog koj yog ib lub chaw zov me nyuam thiab xav koom nrog kev tshawb fawb no, xa email rau providerhub@state.mn.us kom tau cov lus qhia ntxiv.

Keeb kwm

*Provider Hub yog ib feem rau txoj hauj lwm ntawm [Systems Transformation](#). Qhov hauj lwm no yog los siv technology los ua hauj lwm kom nrawm dua, yooj yim dua, thiab muaj kev ncaj ncees rau cov tsev neeg, cov neeg zov me nyuam, thiab cov neeg ua hauj lwm rau tsoom fwv.

[Rov mus rau saum toj](#)

Cov Chaw Zov Me Nyuam Hauv Tsev Ua Tau Daim Ntawv Tso Cai Hauv Minnesota: Kev Cuv Npe Rau CCAP Tam Sim No Muaj Nyob Hauv Provider Hub

Cov chaw zov me nyuam hauv tsev uas muaj daim ntawv tso cai hauv Minnesota tam sim no muaj peev xwm siv tau Provider Hub los tswj lawv cov ntaub ntawv cuv npe rau [Child Care Assistance Program \(CCAP\)](#).

Kev tswj cov ntaub ntawv cuv npe ntawm CCAP — thiab kev thov daim ntawv tso cai rau lub chaw zov me nyuam , yog ob yam hauj lwm xwb uas cov neeg zov me nyuam hauv tsev ua tau hauv Provider Hub. Tam sim no, cov neeg zov me nyuam hauv tsev tsis tau muaj peev xwm tswj tau lawv daim ntawv tso cai zov me nyuam hauv tsev los sis cov ntaub ntawv ntawm Great Start Compensation Support Payment Program hauv Provider Hub.

Cov neeg zov me nyuam hauv tsev yuav tsum tsis txhob tsim ib tug account hauv Provider Hub. Yog koj xav cuv npe nrog CCAP thawj zaug, los sis tom qab koj twb tau cuv npe lawm, thov xa email mus rau ccap.providers.dcyf@state.mn.us kom thov kev nkag mus rau koj tus account hauv Provider Hub.

Xav paub ntxiv, mus saib hauv [tsab ntawv xov xwm CCAP rau lub Cuaj Hli](#) thiab nplooj ntawv [Recent changes to CCAP provider registration process](#) hauv qhov website.

[Rov mus rau saum toi](#)

Tus Xov Tooj Hu Thov Kev Pab Txog Provider Hub: Tau Hloov Tshiab Lawm

Cov suab lus qhia uas kaw rau Provider Hub Information Line tus xov tooj tau muab txhim kho tshiab lawm. Hu tau dawb rau **612-504-1298** kom mloog tau cov suab lus hais txog qhov cuab yeej online no.

Cov suab lus kaw tseg no yog rau **cov neeg zov me nyuam hauv tsev**, thiab nws yeej piav txog txoj kev siv qhov cuab yeej online thiab txoj kev npaj rau kev siv technology tshiab. Tam sim no, cov ntaub ntawv tshiab no tsuas muaj ua lus Askiv xwb. Cov ntawv tshiab no tseem yuav muab txhais ua lus español (Mev), Soomaali (Somali) thiab Hmoob.

Tus xov tooj Provider Hub Information Line no tsuas muaj cov suab lus qhia uas kaw tseg xwb; nws tsis txuas rau cov neeg ua hauj lwm. Qhov no yog ib qho kev pab zoo rau cov neeg nyiam mloog suab lus kaw tseg dua li cov ntawv sau uas yuav tau nyeem.

[Rov mus rau saum toi](#)

Cov Lus Qhia Los Ntawm Provider Hub: Kom Koj Tus Account Nyob Ruaj Ntseg

Kev tswj koj cov ntaub ntawv hauv Provider Hub kom ruaj ntseg yog ib qho tseem ceeb heev. Ib txoj kev yooj yim los ua li ntawd yog — tsis txhob qhia koj tus account rau lwm tus siv.

Kev sib qhia account yog dab tsi

Kev sib qhia yog thaum ib tug neeg siv lwm tus neeg tus username thiab lo lus zais los nkag mus rau ib qho system, website, los sis account — xws li hauv Provider Hub. Piv txwv:

- Tus thawj coj ntawm ib lub chaw zov me nyuam cia lwm tus neeg ua hauj lwm siv nws tus username thiab lo lus zais thaum nws mus so.
- Cov neeg ua hauj lwm hauv ib lub chaw zov me nyuam siv tib lub computer los ua hauj lwm. Tus neeg ua hauj lwm tsis tawm ntawm nws tus account hauv Provider Hub, thiab koj cia li siv nws tus account los ua hauj lwm.
- Ib tug neeg zov me nyuam hauv tsev cia tus neeg hauv tsev pab tswj txhua yam kev ua hauj lwm hauv Provider Hub uas siv nws tus username thiab lo lus zais.

Vim li cas nws thiab tseem ceeb kom txhob sib qhia account

Kev sib qhia account yuav muab kev phom sij rau koj cov ntaub ntawm ntiag tug thiab yuav txo kev ruaj ntseg hauv Provider Hub. Txwv tsis pub qhia koj tus username thiab lo lus zais hauv Provider Hub rau lwm tus (nws txhaum txoj cai nyob rau seem Terms & Conditions).

Yuav ua li cas kom zam tau

Ua raws cov kauj ruam hauv qab no kom tsis txhob muaj kev sib qhia tus account hauv Provider Hub.

- Tsuas siv **koj tus** username thiab lo lus zais kom nkag tau rau hauv Provider Hub xwb.
- Xyuas kom cov neeg uas tsim nyog muaj kev nkag mus rau Provider Hub xwb. Muaj cov qib rau kev nkag uas sib txawv hauv Provider Hub uas tswj tau yam uas ib tug neeg yuav ua tau. Siv Provider Hub cov lus qhia txog kev nkag rau cov neeg siv (user access guides) kom nkag siab txog qhov qib rau kev nkag uas haum rau koj cov neeg ua hauj lwm thiab txoj kev nkag uas lawv yuav siv tau.
- Yog tias tus neeg yuav tiv tauj rau koj qhov program tau hloov lawm los sis tawm hauj lwm lawm (piv txwv, Tus Neeg Sawv Cev Muaj Cai los sis Tus Neeg Tswj Lub Chaw Zov Me Nyuam), thov qhia rau koj tus neeg muab daim ntawv tso cai kom hloov cov ntaub ntawv mus rau tus tshiab.

Cov Lus Qhia Los Ntawm Pab Pawg Product Success Team

Pab pawg Product Success team yog pab pawg kws tshaj lij hauv zos uas pab kom koj siv tau Provider Hub kom zoo.

Sib cuag nrog pab pawg

Hu rau 651-431-6075 los sis xa [ib qho support case](#) thaum koj nkag mus hauv Provider Hub. Peb yuav teb cov kev thov rau hnuv Monday txog Friday thaum 8:00 sawv ntxov txog rau 4:30 tav su.

Thaum koj hu, thov tso lus

Yog tias tsis muaj leej twg teb thaum koj hu tuaj, thov tso lus. Hauv koj cov lus, thov muab ntau yam ntaub ntawv li ntau tau, xws li:

- Koj lub npe
- Lub npe ntawm qhov program
- Tus xov tooj
- Lo lus nug thiab/los sis yam koj thov
- Tus zauv ntawm daim ntawv tso cai lag luam (yog tias muaj/uas tsim nyog)

Peb txais tsis tau cov ntaub ntawv yog tias koj tsis tso lus thaum peb tsis teb. Yog li ntawd, txhua yam ntaub ntawv uas koj tso tseg yuav pab peb hu rov qab kom zoo thiab ceev.

Txawm koj yuav tso lus los sis xa ib qho support case hauv online, peb lub hom phiaj yog teb rov qab rau koj li ntawm 24 xoj moos — qhov no tej zaum yuav nyob ntawm seb muaj pes tsawg qhov case uas tau xa tuaj rau peb.

Cuv Npe Rau Lub Kaum Ib Hli Kev Sib Tham Txog Provider Hub

Pab Pawg Provider Hub yuav tuav peb lub rooj sib tham rau pej xeem tom ntej rau Hnuv Tuesday, Hnuv Tim 18 Lub Kaum Ib Hlis thaum 6 moos txog 7 moos tsaus ntuj.

Leej twg xav kawm ntiv txog Provider Hub thov caw tuaj koom. Cov ntsiab lus yuav suav nrog cov kev hloov tshiab hauv Provider Hub, cov lus qhia pab siv qhov cuab yeej online kom zoo dua, thiab cov ntaub ntawv tshiab los sis cov kev hloov dua tshiab. Peb txais tos cov neeg tuaj koom kom xa lawv cov lus nug rau lub caij sib tham.

[Thov cuv npe ua ntej](#). Yog koj xav tau kev pab kom nkag tau yooj yim (xws li, yog xav tau ib tug neeg txhais lus), thov cuv npe ob lub as thiv ua ntej qhov kev sib tham.

Tuaj koom tsis tau rau lub rooj sib tham nyob rau lub Cuaj Hli? Saib daim [yeeb yaj kiab uas tau muaj kaw tseg ntawm qhov Kev Sib Tham Thawj Zaug Txog Provider Hub](#) rau lub Cuaj Hli thiab txais [daim ntawv \(PDF\)](#) ntawm cov ntsiab lus qhia rau hnuv ntawd.

[Rov mus rau saum toj](#)

Cov Rooj Sib Tham Hauv Zej Zog Uas Yuav Los Tom Ntej No

Pab Pawg Provider Hub zoo siab uas yuav tuaj koom lub rooj sib tham [Shaping the Future Family Child Care Conference](#) rau hnuv tim 17 thiab 18 lub Kaum Hli nyob rau ntawm Waite Park, MN. Peb yuav nthuav qhia txog peb lub hom phiaj thaum tav su rau hnuv Friday thiab yuav tuav ib lub rooj qhia txog Provider Hub rau ob hnuv ntawm lub rooj sib tham ntawd. Yog koj tuaj koom, thov tuaj hais nyob zoo rau peb thiab! Peb zoo siab uas tau sib txuas lus nrog koj.

[Rov mus rau saum toj](#)

Cov Uas Tau Tso Tawm Tshiab

Peb tau ua kev hloov tshiab rau Provider Hub rau Hnuv Tim 20 Lub Yim Hli thiab Hnuv Tim 24 Lub Cuaj Hli. Cov kev hloov tshiab suav nrog:

- Kev kho kom **cov chaw zov me nyuam muaj ntawv pov thawj** upload tau cov ntaub ntawv hauv Change Requests kom xa tau mus rau tus neeg tso cai tshuaj xyuas
- Kev tsim PDF tshiab uas qhia txog cov ntaub ntawv uas tau xa thaum hloov cov ntaub ntawv se ntawm CCAP

- Tshem tawm txoj kev tso cai rau cov provider hloov qhov “square footage” thaum kho chav tau pom zoo lawm — cov ntaub ntawv square footage tsuas muab tso thaum thov thawj zaug los sis thaum thov chav tshiab xwb

Mus saib [cov ntawv sau rau Lub Yim Hli](#) thiab [cov ntawv sau rau Lub Cuab Hli](#) kom paub ntiv txog cov kev hloov tshiab no thiab lwm yam.

[Rov mus rau saum toj](#)

Cov Kev Pab thiab Cov Ntaub Ntawv Tshiab

Cov chaw zov me nyuam muaj ntawv tso cai thiab cov chaw zov me nyuam muaj ntawv pov thawj tam sim no siv tau Notice of Action resources uas sau ua lus Askiv, español (Mev), af Soomaali (Somali) thiab lus Hmoob (Hmong).

Koj nrhiav tau cov ntaub ntawv no thiab lwm yam los ntawm kev tshawb hauv Help & Resources thaum koj nkag mus rau Provider Hub.

Hmoob

- [Qhov Ceeb Toom Rau Kev Ua \(Notice of Action\) — Kev Qhia Dav](#)
- [Saib Qhov Notice of Action](#)
- [Kev Teb Rau Qhov Notice of Action](#)
- [Thov Rov Xyuas Dua \(Appeal\) los sis Thov Qab Xav Dua \(Reconsideration\) ntawm qhov Ceeb Toom Rau Kev Ua \(Notice of Action\)](#)

All Providers Qhov Ceeb Toom Rau Kev Ua (Notice of Action) – Kev Qhia Dav	
🕒 Sep 3, 2025 Knowledge	
Title	All Providers Qhov Ceeb Toom Rau Kev Ua (Notice of Action) – Kev Qhia Dav
Topic	Notice of Action
License Type	Certified; Licensed Center
Detailed Tutorial	Cov Ntsiab Lus
	Notice of Action Txhais Li Cas Yam Koj Yuav Ua Tau Rau Qhov Notice of Action Sij Hawm Ntawm Qhov Notice of Action Cov Luag Hauj Lwm thiab Kev Nkag Rau Hauv Qhov Notice of Action

Askiv

- [Notice of Action Overview](#)

- [View a Notice of Action](#)
- [Respond to a Notice of Action](#)
- [Request Appeal or Reconsideration of a Notice of Action](#)

Cov ntawv lus Askiv kuj muaj nyob hauv koj qhov Learning Library raws li hom chaw zov me nyuam:

- [Licensed Child Care Centers | Licensing Learning Library](#)
- [Certified Child Care Centers | Certification Learning Library](#)

[Rov mus rau saum toj](#)

Hais Txog Provider Hub

Provider Hub yog ib qho cuab yeej hauv online rau neeg zov me nyuam siv los thov thiab tswj daim ntawv tso cai, nyiaj pab, thiab lwm yam kev pab cuam ntawm tsoom fwv.

Peb tseem tab tom txuas ntiv los txhim kho qhov cuab yeej online no thiab tsim tej yam tshiab ntiv. Thaum peb ua li ntawd, yuav muaj ntau tus neeg zov me nyuam yuav nkag mus siv ntau ntiv. Koj tuaj yeem mus saib ntawm [Provider Hub](#) qhov webpage kom paub cov ntsiab lus txog kev siv tam sim no.

Muab tswv yim

Cov kev xav tau thiab kev paub dhau los ntawm cov neeg zov me nyuam yog ib qho tseem ceeb rau kev txhim kho Provider Hub.

Xa email rau providerhub@state.mn.us los qhia koj cov tswv yim rau pab pawg Provider Hub los sis cuv npe kom koom nrog kev tshawb fawb los sis kev ntsuam xyuas cov hauj lwm ua tau tshiab.

[Rov mus rau saum toj](#)

Hais Txog Tsab Ntawv Xov Xwm Los Ntawm Provider Hub

Daim ntawv xov xwm no qhia cov ntaub ntawv **dav** txog Provider Hub rau cov neeg siv tam sim no thiab yav tom ntej, nrog rau lwm tus uas xav paub txog qhov cuab yeej online no. Peb xa tsab ntawv xov xwm tshiab ib zaug ob lub hlis twg. Koj tuaj yeem nrhiav tau cov ntawv xov xwm yav dhau hauv [Provider Hub](#) qhov webpage.

Lub hom phiaj ntawm tsab ntawv xov xwm no tsis yog los mus hloov pauv cov ntaub ntawv uas tej txhia pawg tau txais —xws li kev ceeb toom rau cov neeg siv Provider Hub tam sim no los sis cov ntaub ntawv qhia rau cov neeg siv tshiab. Peb tseem yuav xa cov ntawv ntawd li qub.

Tau daim ntawv xov xwm no ua lus español, Soomaali thiab Hmoob

Pab pawg Provider Hub luam tawm daim ntawv xov xwm no ua plaub hom lus: lus Asnkiv, español (Mev), Soomaali (Somali) thiab Hmoob.

Peb xa tsab ntawv no ua lus Askiv ua ntej hauv email. Thaum cov ntawv uas ua lwm hom lus npaj tiav lawm, peb yuav muab tso hauv [Provider Hub](#) qhov webpage. Thaum cov ntawv no tau muaj txhais ua lus español, Soomaali thiab Hmoob lawm, peb mam li muab xa ib zaug mus rau cov neeg uas tau cuv npe txais peb cov ntawv xov xwm..

Qhia daim ntawv xov xwm no rau lwm tus

Koj puas paub lwm tus uas yuav xav tau txais xov xwm txog Provider Hub? Xa tsab email no mus rau lawv thiab txhawb kom lawv [cuv npe los txais cov ntawv xov xwm no ncaj qha](#).

[Rov mus rau saum toj](#)